

Ленинэнь Киява

ВЛКСМ-нь Мордовской обкомонт ды Саранскоень ошонь комитетэнь газетаст

НОЯБРЯНЬ

29-це чи

1937 ие

№ 135 (814)

ЛИСИ: 7-це ИЕ
ЧИНЬ ЮТАЗЬ

ВИЕНЗАМС АНТИРЕЛИГИОЗНОЙ РОБОТАНТЬ

Советской Союзсо населениянть эйстэ 43 процентнэ—1917 иестэ ды седе мейле шачовт од ломанть. 18 иестэ саезь 26 иес од ломанть—те советской избирателень покш отряд. Неть од ломанть не испытати инязоронь Россиянь ужастнэнь, самодержавной Россиясо трудицятнень угнетениянь, нишетань ды бесправиянь картинанть. Сталинской избирательной законсь минек Советской од ломаньненень максы покш прават ды невти сынст лангс партиянь покш кемеманзо. Неть праватне советской од ломанть лангс аравать покш обязанностькак.

Фашизманы агентурасы, народонь вратнэ, разгромленной капиталистической класстнэнь кадовкстнэ, эрва кодат церковникне ней уш „анокстыть“ кочкамотненень, сын кармить снартнеме использовать избирательной од системаны коряс кочкамотнень эсист интересэст туртов.

Церковникне, буржуазной националистнэ, троцкистской, бухаринской ды социализманть враждебной лия элементнэ арсить эцемс од ломантьнен рядтнэс, комсомолэнтнэ рядтнэс. Комсомольской кой-кона руководителень ютксо ули насадо, педепев оппортунистической теория седе, што весе од ломантьне умок уш кармасть улеме аволь религиознойкс. Те вети сенень, што церковникне ды сектантнэ эрва ладсо активизируют эсь деятельность сонзэ контрреволюционной сущностензэ эрва кода маскироваз, снартнить влиять од ломантьнен лангс. Велестэ сыця материальнэ невти, кодамо покш активнэ работа ветить церковникне од ломантьнен ютксо, кода снартнить эсист тевс ютавтомс од ломантьнен башка группатнень ютксо кой-кона отсталой настроениянть ды эцемс эсист кандидатост. Церковникнень участияст марто Березникень районь Пермизь велесэ, Чамзинкань районь Сайгуши велесэ, Ромодановань районь Ромоданова велесэ кой-кона од ломантьне венчить церковной обрядсо; Пурдошанской районь 2-це № Урлей велесэ кавто комсомолэст вешть нолдамс арестоваз попонт; Ромодановань районь Иванова велесэ поповь Кедров эсинзэ враждебной цельтнень кис церковас организоваз кружок Сталинской Конституциянь толковамонзо коряс.

Комсомолонь Ромодановань райкомось ды сонзэ секретарез Антонов, Березникень райкомось ды сонзэ секретарез Левин, Пурдошанской райкомось ды сонзэ секретарез Кудашкин содыть церковникнень деятельность оживлениядо, но яла теке кодаткак мерат а примить комсомолэнтнэнь ды аволь союзной од ломантьнен ютксо роботанть вадрылгавтомасонть ды практической лезксэнь максоматевсэнь, ды од ломантьнен лангс комсомольской влияниянь келейгавтомасонть.

Антирелигиозной пропагандасы ашти коммунистической воспитания неотъемлемой частекс. Ды

ков те маштови, што кой-кона райкомтнэ теня а чаркодить. Те важнейшей участкасонт эсь деятельностьнть келейгавтоманть ды виевгавтоманть таркас, райкомтнэ стувтыз сонзэ, сезевсть антирелигиозной пропаганданть эйстэ, максыз сонзэ воинствующей безбожничтнень союзтнэнь, конат ламо районга арасть эли а роботыть.

Эрвантьне содави, што союзонт роботанзо вадрылгавтомас, од организациянть организовамось ды сынст роботанть воспитательной значениязо вадрылгавтомас васняк зависит комсомолонть пельде союзонтнэ конкретной практической лезксэнь эйстэ. Ульнестэ шкат, зярдэ комсомолэнтнэ организовакшность антирелигиозной вопростнэнь коряс лекция, доклад. Ней теня мекс бут стувтыз, апака ваносе лангс, што именно ней сех пек эрви келейгавтомс ды кемекстамс антирелигиозной кружоктнэнь роботаст, практиковамс промкст ды од ломантьнен вечерт, косо толковакшном лекция, доклад седе, кода масторонть лангсо появась эржамось, ломанень происхождениядонзо, мезде эрсит пургинесь ды ендолось, мезде эрсит засушат ды лият.

Ней церковникне ветить эсист подрывной роботаст, арсить эцемс Верховной органтнэс минек враждебной ломанть. Теке марто церковникне ссылаются Сталинской Конституциянь лангс, конася весе гражданинэнь максы религиозной культнэнь оправлениянь олячи. Комсомольской активистнэ теня содаз, стувтыз сеня, што Конституциясь теке марто жо максы антирелигиозной пропагандань оляк, сын стувтыть сеня, што ВЛКСМ-нь программасы кармавты эрва комсомолэнтнэ „цидрозь евнемс од ломантьнен суевериянь ды религиозной предрассудкатнень зыяност, теня жо максы антирелигиозной пропагандань коряс специальной кружоктнэнь ды лекциянть организоваз“.

Од ломантьнен лангс поповской влияниянь минь обязаны противопоставить минек культурномассовой роботанть весе сложной ды разнообразной арсеналонть. Сынст неубедительной ды кенгелемань агитацияст каршо эрви седе вадрысто организовамс клубтнэнь, самодетельной кружоктнэнь роботаст, кунсоллохномс од ломантьнен вешемас, шкастонзо топаветс неть вешематнень, чидечискепедемс минек агитациянь ды пропаганданть качестванть.

Лангс таргсеме вратнэнь махинацияст, тапамс сынст антисоветской агитацияст, советской од ломантьнен невтемс враждебной элементнэнь фашистской алкуксонь чамаст, сеземс эйстэст масканть—те васенце ды главной задача, кода ашти комсомолонть икеле Советс кочкамотненень анокстамонь ды ютавтомань шкастонть.

Ленинградонь Кировской ды Ленинской районтнэсэ кочкицятнень промксось

СССР-нь ЦИК-нь председателень Михаил Иванович КАЛИНИНЭНЬ выступлениязо

Ноябрянь 22-це чистэ Ленинградсо культурань Максим Горький лемсэ кудосонть ошонь Кировской ды Ленинской районтнэсэ 1300 кочкицят вастовсть Национальностнень Советс депутаткс эсист кандидатонть—СССР-нь ЦИК-нь председателень Михаил Иванович Калинин марто, кона регистрироваз Ленинградской избирательной округканть.

Промксонть выступили рабочие, педагог, инженер, служащай. Весе сын псистэ тердсть голосовамс Калинин ялганть кис, социализмань масторонь бессменной президентэнь кис, ине Сталинэнь верной соратникэнь кис.

Присутствующейтне виев овациясо вастыз трибуна лангс Михаил Иванович Калининэнь поямонзо, кона выступил речь марто. Эсинзэ речсэнь сон тешкстызе социализмань строительстваонть Ленинградонть покштояк покш ролензэ ды мерсь, што Ленин ошонь рабочейтне свято ванстыть большевизмань славной революционной традициянть.

Калинин ялганть выступлениязо ламоксть прерывался виев цыпамоса.

Михаил Ивановичень речьтень мейле промксонь участниктнэ

тейсть виев овация народтнень вожденть Сталин ялганть честсь, сонзэ малавикс соратниктнэстэ вейкенть—Калинин ялганть честсь.



Промксось обратился Ленин ошонь весе кочкицятнень тердема марто, штобу СССР-нь Верховной Советс кочкамотнень чистэньтэ максомс эсь вайгельтнень М. И. Калининэнь кис.

Кочкицятне вастыть Союзонь Советс депутатокс эсист кандидатонть марто

Ноябрянь 27-це чистэ Ленинград ошонь Петрозаводской ды Василеостровской районтнэнь избирательтне предвыборной промксос вастыть Союзонь Советс депутатокс эсист кандидатонть Максим Максимович Литвинов марто.

Промксонть весемезэ ульнестэ 2 тышадэ ламо рабочейт, работницат, инженер, служащай, кудокотконь хозяйкат. Весе сетне, конат выступили, кортасть родинанть, коммунистической партиянть ды мудрой вождентень Сталин ялганть преданостеденть. Кочкицятне яволявсть Ленингра-

донь трудицятнень кенярдомадонть ды честэнтень—СССР-нь Верховной Советс кочкамотнень чистэньтэ эсь вайгельтнень максомс ине Сталинэнь соратниктнэнен—М. И. Калинин, А. А. Жданов, М. М. Литвинов ялгантнэнен.

Мирэнь сталинской знаменосецэнь—Литвинов ялганть деятельностьнэнь кортасть „Пирометр“ заводонь главной инженерэсь Андреев ялгась.

Промксонть кортасть Литвинов ялгась. Промксось покш мельсэ при мась приветствия весе мирэнь трудицятнень вождентень Сталин ялганть.

ВКП(б)-нь Мордовской областной комитетэнь пленум

1937 иень 25-26-це читнестэ ульнестэ ВКП(б)-нь Мордовской областной комитетэнь пленумозо, конаси обсуждал СССР-нь Верховной Советс кочкамотнэнен анокстамонть молемадо вопросонть.

Те вопросонть коряс, пленумось кулсоньзе Рузаевской, Рыбчинской Краснослободской райкомтнэнь секретартнень Гульнин, Мустайкин ды Сачин ялгантнэнь докладост ды окружной избирательной ко-

миссиянть председателтьнен Ходеев, Кокорев ды Кулаков ялганть докладост.

Пленумось истя жо обсудил партиянь Кочкуровань ды Лямбирень райкомонь секретартнень Милков ды Мансуров ялгантнэнь докладост телентень колхозтнэнь анокстамонть молемадо.

Неть вопростнэнь коряс обкомонь пленумось примась соответствующей решенияст.

Студент—отличник

Саранскоень рабфаксо 3-це курсонь студентэсь Беськаев тонавтни ансяк на „отлично“ рабфаксо сон ловови вадры общественникекс.

Октябрьской революциянь XX годовщинань чистэнь, вадрысто тонавтеманть кис, дирекциясь со-

нензэ максь премия. Премиянь получамсто Беськаев ялгась мерсь, што „мон икеле пелевгак карман тонавтнеме на „отлично“, карман лездема кадовица студентнэнен“.

Студент.

МАССР-сэ НЕГРАМОТНОСТЕНЬ ЛИКВИДИРОВАМОНОЗО КОРЯС РОБОТАНТЬ МОЛЕМАДО

Мордовской АССР-нь Центральной Исполнительной Комитетэнь
Президиумонть ПОСТАНОВЛЕНИЯЗО

МАССР-нь ЦИК-нь Президиумось констатирует, што неграмотностень целанек ликвидировано ССР-нь Совнаркомонь ды ВКП(б)-нь ЦК-нь 1936 иень январень 16 чинь постановленианть топавтомазо сезезь. Республикасонть неграмотностень ликвидированть коряс роботась, ЦИК-нтъ, СНК-нтъ, Наркомпросонть ды РИК-тнэнь пельде сонзэ лангсо меельсь шкас руководствовань отсутствиань результатсо, аравтоз овси аволь удовлетворительностэ, сехте пек СССР-нь Верховной Советс кочкамотненень аноктамонь важнейшей политической задачатнень коряс. 1937 иень ютазь ковтнэнь перть 59 тышат неграмотнойтнень эйстэ тонавтоз ансяк 16 тышат ломанть, эли 27 процент. Национальной разрезсэ неграмотнойтнеде иень перть тонавтоз: мокшотнеде ды эрзятнеде 8,9 процент, рузтнеде 9 процент, татартнеде 1,8 процент.

ЦИК-нь Президиумось башка тешксты, што зярый райононь од руководствась неграмотностень ды малограмотностень ликвидациянь тевсэнь вражеской деятельностинь последствиятнень ликвидировань вопросонть коряс а роботы. Истя примеркс, З.-Полянень районсо 6.470 неграмотнойтнень эйстэ тонавтоз ансяк 476 ломанть эли 7,3 процент; Атяшевень районсо 4262 неграмотнойтнень эйстэ тонавтоз 498 ломанть эли 8 процент; Б.-Березникень районсо 3200 неграмотнойтнень эйстэ тонавтоз 496 ломанть эли 15,5 процент. Народонь врагтнэ, конат орудовасть Наркомпросонь аппаратсо ды зярый РОНО-тнесэ, сознательна сезсть неграмотностень ликвидированонзо коряс роботанть, занимались очковательствасо, средстванень ютавсть аволь значениянь коряс. Ликбезэнь коряс важнейшей роботанть советской, хозяйственной, комсомольской ды профсоюзной организациятне внимания а явить, мезенть результатсо те важнейшей общественной роботась ульнесь максозь откупс народной образованиянь органтинень ды кадозель самотекс.

Райисполкомтнэ неграмотностень ликвидированонзо коряс роботанть лангсо контроль ды руководства а ветить, сезить те роботанть финансированонзо, народной образованиянь районной отделтнэсэ роботоспособной роботникт кочказь арасть, зярый районсо жо сын овси арасть.

Эрсить перебойть тетрадьсэ, учебниктнэсэ, учебной оборудованясо ды сехте пек освещениасо школатнень обеспечениясонть.

ЦИК-нь Президиумось постановляет:

1. Меремс райисполкомтнэненъ, вельсоветнэненъ, Наркомпросонть нейке жо организавамс неграмотностень ликвидированонзо коряс роботанть, мобилизовамс те целенть туртов весе общественностень истя, штобу декадань срокс весе неграмотнойтнень охватить тонавтнемасо, особой вниманиа явомс коренной националистностень граждантинень тонавтомасо охватонть лангс. Народной образованиянь районной весе отделтнэсэ взрослоень школатнень инспекторокс кочкамс сехте вадрая роботникт.

Школатнень нормальной роботаст ды тонавтомасо весе неграмотнойтнень охватонть кис персональной ответственностень путомс велесэ — вельсоветнэненъ ды колхознэненъ председателътнэненъ лангс; предприятиятнэсэ, МТС-тнэсэ ды совхозтнэсэ — директортнэненъ ды ФЗМК-нь председателътнэненъ лангс; целанек районотъ келес — райисполкомонь председателътнэненъ ды РОНО-нь заведующеент лангс.

2. Меремс Наркомпросонть ды райисполкомтнэненъ включить школатнень ды ликбезэнь коряс кружоктнэненъ роботанть планозост Сталинской Конституциянь ды Верховной Советс кочкамотненъ порядкадо Положениянь истя, штобу эрвя неграмотноесэ усвоил бу исторической неть документнэненъ ды сынст политической значенияст Верховной Советс кочкамотнень чинть самс, истя жо тонавтниятнень тщательностэ ды подробностэ ознакомить избирательной бюллетенень текстэнь марто.

3. Кармавтомс райисполкомонь председателътнэненъ декабрынь 1-це чис ютавомс вельсоветнэненъ, колхозонь председателътнэненъ ды профсоюзной руководителътнэненъ совещания ликбезэнь роботанть состоянианзо, те роботанть вадрылгавтоманзо ды весе неграмотнойтнень тонавтомасо поголовной охватонь обеспечениянь вопросонть коряс.

4. МАССР-нь СНК-нтень ноябрьковсто кунсолос 2 райисполкомтнэненъ ды вельсоветнэненъ докладост неграмотностень ликвидациянь коряс роботанть состоянианзо ды те постановлениянь топавтомадонзо. Меремс СНК-нтень, райисполкомтнэненъ ды вельсоветнэненъ эсисст заседанияст систематически кунсолос неграмотностень ликвидациянь коряс роботанть молемадонзо предприятиянь руководителътнэненъ, РОНО-нь заведующейтнэненъ ды школатнень докладост. Кармавтомс ЦИК-нь инструктортнэненъ районтнэсэ якамсто проверямс неграмотностень ды малограмотностень ликвидациянь коряс роботанть состоянианть.

5. Неграмотнойтнень ды мало-

грамотнойтнень тонавтомань основной формакс взрослоитнэненъ стационарной школанть ловозь, теке марто вейсэ рекомендовать неграмотнойтнень индивидуально-групповой тонавтоманть, конань туртов эрвяи явомс учитель-культармеец.

6. Эналдомс ВЛКСМ-нь обкомонть ды Мордовской АССР-нь профсоюзонь обкомтнэненъ икеле ванномс ликбезэнь коряс комсомолонть ды профсоюзтнэненъ участиядост вопросонть ды максомс указания комсомольской ды профсоюзной организациятнэненъ сынст активной участиядост ды весе неграмотнойтнень ды малограмотнойтнень поголовной учетсонть ды тонавтомасо саеманть лездамодо.

7. Меремс райисполкомтнэненъ ды вельсоветнэненъ нейке жо теемс весе вельсоветнэсэ неграмотностень ды малограмотностень ликвидациянь коряс секциянь ды вадрылгавтомс уликс секциятнесэ роботанть.

8. Меремс республикань торгующей организациянь руководителътнэненъ (Мордгиз, Мордторг, Мордпотребсоюз ды лият) решительна вадрылгавтомс учебниктнэсэ, тетрадьтнэсэ ды освещениясо (керосинсэ) взрослоень школатнень снабжениянь, предупредить сынст, липунктнэненъ ды школатнень снабжениянь сеземань эрвя фактонть кис персональной ответственностест.

9. Кармавтомс Наркомпросонть решительна кемектамс наркомпросонь управлениань аппаратонть, кона руководит неграмотностень ды малограмотностень ликвидациянь тевсэнь.

10. Решениянь печатамс газетатнесэ. Кармавтомс редакциятнэненъ систематически сермадомс неграмотностень ды малограмотностень ликвидациядо вопростнеде.

Мордовской АССР-нь Центральной Исполнительной Комитетэнь председателесэ.

М. ЧЕМБУЛАТОВ.

Мордовской АССР-нь Центральной Исполнительной Комитетэнь секретарень обязанностень топаветыясэ Н. ЮРКОВ.

ТАГО КОЛСИТЬ УЧЕБНО-ПРОИЗВОДСТВЕННОЙ ПЛАНОНТЬ

Пединститутсо келень ды литературань факультетсэнь ютасэ тонавтнема иенть перть ульнесь колмо декант: Петров, Лебедев ды народонь врагосэ Сумбаев, конатне эрвя кода зыяновсто тапарясть учебно-производственной планонть. Материалосэ эрвяволь бу максомс васеньце курсонть туртов, сын максызы III-це ды IV-це курстнэненъ, колсесть расписаниянь ды ламо лия тевть.

Аволь седе парсте кармась молеме тевесэ тонавтнемань те истэнтэнькак. Истя жо, кода ютасэ иене, дирекциясь а топаветы учебно-производственной планонть, таго колси расписаниянь. Седеяк корс а кирдеви се, што кой-кона дисциплинатне кадовсь пельс ютазь.

Пример, III-це курссонть XIX-це пингень литературасэ кадовсь апаковно, II-це курссонть эрвяволь бу ютамс „Древне-русской литературы“. сынст ловность XVIII-це пингень литературанть.

Неть фактнэ пек видстэ кортыть седе, што институтонь дирекциясь а топаветы ВКП(б)-нь ЦК-нтъ ды СНК-нтъ постановлениятнень школьной порядкатнень коряс. Наркомпросонть эрвяи варштамс истят безобразиятнень лангс ды пуганиктнэненъ таргамс ответственность.

Ф. Штурвай.

Саранск.

Избирательной законотъ а тонавтнить

Кочкуровань район. Ташто Мурза велень комсомольской организациясь (комсоргосэ Полежайкин), кодаможк робота комсомолестнэненъ ды аволь союзной од ломантнень ютксо а вети СССР-нь Верховной Советс кочкамотнеде Положениянь тонавтнеманзо кувалт.

Комсомолестнэ ды аволь союзной од ломантне а содасызь избирательной законотъ ды Сталинской Конституциянь.

Истя жо овсе арась культурной робота клубсонтькак, тосо а эрсить газетат, журналт ды лия литература.

Повин.

ИЗБИРАТЕЛЬНОЙ ОКРУГТНЭВА

Весе Советской Союзонть келес келейстэ ды покш под'ем марто моли СССР-нь Верховной Советс кочкамотнень коряс избирательной кампаниясь.

Весе промкстнэсэ трудицятне беззаветной преданностень ды вечкемань валтнэнь посвящают народтнэнь мудрой вождентень, СССР-нь Верховной Советс депутатокс васень кандидатонть И. В. Сталинэнь.

Вольской ошов (Саратовской области) эсь избирательтнэненъ якас СССР-нь прокуроросэ А. Я. Вышинский ялгас, кона Вольской избирательной округканть выдвижной Союзонь Советс депутатс кандидатокс.

Вышинский ялгас ульнесь Вольской цементной заводонь рабочейтнэнь, инженертнэнь, служащейтнэнь ды сынстсемиянь члентнэненъ предвыборной промкссо.

„Большевик“ заводонь знатной стахановецсэ Шмакалов ялгас кортасэ: „Союзонь Советс депутатс кандидатокс минь Вышинский ялганть выдвигаем секс, што сон

ине Сталинэнь верной ученик. Минь Вышинский ялганть выдвигаем секс, што сон педепев предан робэчей классонь тевентень“.

Промкссонть кортасэ Вышинский ялгас, соневтнесэ эсь эрмядонзо ды роботадонзо. Сон макссэ вал, што икеле пелевгак кармибеспощаднойстэ бороямо троцкистско-бухаринской извергтнэнь каршо.

Украинань Шепетовской избирательной округонь трудицятне Союзонь Советс депутаткс кандидатокс выдвинули Советской Союзонь маршалонть С. М. Буденный ялганть. Неть читнестэ Буденный ялгас эсь избирательтнэненъ кучсь серма, конаньсэ благодарит довериянь кис, лецни гражданской войнань бурной читнень, евтни Советской Союзонть достижениятнеде, Якстере Армиянь успехтнеде, конат теезь революциянь ине стратегенть И. В. Сталин ялганть ветямонзо коряс.

Димитров ялгас макссэ соглашения баллотироваться Костромской избирательной округканть. Те

тейсь покш под'ем Костромань трудицятнень ютксо. „Минь эсинек вайгеленек макссынек Сталин ялганть верной соратникензэ кис, Коминтернань исполкомонь генеральной секретаренть Г. М. Димитров ялганть кис“, кортыть избирательтне промкстнэсэ, конатне молит Костромской округканть.

Ноябрынь 26-це чистэнь СССР-нь Совнаркомонь председателътнэненъ заместителесэ В. Я. Чубарь ялгас тейсь речь, кона обращенной Союзонь Советс кочкамонь коряс Харьковской сельской избирательной округонь трудицятнэненъ Чубарь ялгас евтась благодарность сонзэ кандидатуранть выдвиженианзо кис. Седе тов сон корты усехтнеде, конатнень теинзе Советской народосэ ды истя жо харьковской областень трудицятнень достижениятнеде.

Харьковской райононь Коротич велень колхозниктне сермадстэ серма Харьковской сельской избирательной округонь весе трудицятнэненъ, конаньсэ тердить Чубарь ялганть кис голосовамо.

Информационной сообщения

1937 иень ноябрьн 23-це, 24-це, 25-це ды 26-це читнестэ Московсо, Трудонь Дворецэнтэ—ВЦСПС-нь помещениясонть ульнестэ ютавозь переговоры профсоюзтнэнь международной объединениянь делегациянтэ ды СССР-нь профсоюзтнэнь центральной советнэнь делегациянтэ ютксо. Переговорнтэсэ ульнестэ: профсоюзтнэнь международной объединениянтэ вице-президентэсэ **Жуо**, генеральной секретаресэ **Шевенельс**, генеральной секретарентэ помощникесэ **Штольц**. СССР-нь профсоюзтнэнь центральной советнэнь пельде ульнестэ ВЦСПС-нь секретарьтне **М. Шверник**, **П. Г. Москатов**, **К. И. Николаева** ялгатне.

Мнениянтнэнь евтамодо мейле кавонест делегациятне примасть основной условия сень туртов, штобу теомс СССР-нь профсоюзтнэнь единства профсоюзтнэнь международной объединениянтэ марто, весе мирсэнтэ войнаны ды фашизм

манть каршо борошнянь кис профсоюзной единстваны основанть коряс.

Примазь условиянтнэнь результатнэсэ советской профсоюзтнэнь делегациясэ ды профсоюзной международной объединениянь делегациясэ макссть обязательствашкань апок ютавтне ве ено—Профессиональной Союзтнэнь Весесюзной Центральной Советнэнь президиумонть икелев, ды омбоце ено—профсоюзтнэнь международной объединениянь бюронть ды генеральной советнэнь икелев аравтомс кемекстамонь кис примазь основной положениянтнэнь, конат лисить ютавозь переговорнтэсэ.

Вере евтазь предложениянтнэнь неть организациянтэсэ ванномодонть ды кемекстамодонть мейле должен улемс теезь профсоюзтнэнь международной объединениянтэ советской профсоюзтнэнь совамодо вопросонть практической разрешенясэ.

Кочкамонь законотъ толковить кудова

Ташто Ардатов велень колхозной ды школьной комсомольской организациятне вадрясто аравтызь кочкамонь законотъ толковамонзо. Кочкамонь эрва участкантэ кемекстазэ 3—4 комсомолецт, конат чинь ютазь кочкицянтнэнь марто ютавнтить занятият.

Тедэ башка сын якить кочкицянтнэнь кудова, максить виде ды чаркодевикс ответ эрва кочкицянтэ вопросонть лангс.

Авдеев.

Ардатовань р-н.

Помещениянтне ды спискатне анокт

Шугурова велень избирательной участкантнэнь помещениянтнэнь ремонтось прядозь ноябрьн 12-це чистэ. Ней помещениянтне весе анокт, ремонтiroвась вадрясто, стенатнева понгавтнэсэ вождтнэнь

Преданной кандидатнэнь кис

Ардатовань р-н. Ташто Ардатов велень „Од эрямо“ колхозонть колхозникесэ Пурескин Алексей, конанень уш топодсть 63 иеть. Кочкамонь законотъ тонавтнема кружоконть сехте активной член, вейкеяк занятиэ эзэ менсте. Сон вадрясто содасы кочкамонь Положениянтэ, секс сон мери: „мон вайгелем максса се кандидатонть кис, кона сехте преданной Ленинэнь—Сталинэнь партиянтэнь ды Советской властентэнь“.

А.

Покш Березникень р-н

Верховной Советс депутатокс кандидат Ксения Даниловна ВАЛГАЕВА

Ксения Даниловна Валгаева шачсь 1918 иестэ, самай се шкастонть, зярдо минек масторонь весе ламо миллионной народосэ кедьсэст оружия марто борошастэ эрва ено эция интервентнэнь каршо эсист революционной родинанть кис.

Валгаевань тетянзо-аванзо эрясть беднойсэ, пельс вачодо, ульнесь кудыност ды атякш марто колмо саразост. Тетязо суро эзэ видне, сон ульнесь стадань ваныцякс. Модань теинькине наделэнтэ сон макснесь арендас. Секскак Валгаевтнэнь семияст оршазель ды карсезель пек беряшэль.

Ксения весемезэ тонавтнэсэ кавто иеть. Колмоце иестэнтэ, одижань ды карсема пелень араздентэ, сонэнзэ савсь тонавтнеманть кадомс.

Телень кувака чокшнетнэсэ сон аванзо марто штердсь мушко, лездась аванзо туртов кудо-ютконь тевтнэсэ.

Ды вана сась 1934 иень тундосэ. Болдасевас появастэ 4 тракторт, конатнэнь вастомо лиснесь весе велесэ ды дивсестэ кшнинь айгортнэнь виест лангс. Вейке тракторонть ветясь трактористкасэ Нюра Коркина. Ксения Даниловна теевсь ялгакс трактористканть марто ды кувать кевкснесь сонзэ эйсэ,

кода сон тонадсь тракторонь ветямом. Коркина макссь совет модемс трактористнэнь курсов ды тедэ мейле Ксения ансяк тень коряс арсеськак. Састэ 1935 иень радостной читне, зярдо Ксениянь арсеманзо ютавозь тевс. Колхозосэ кучи 10 тейтерть Ичалкань МТС-в трактористнэнь курсов, конатнэнь ютксо Ксения Даниловна Валгаеваяк. Тонавтнемс ульнесь стака, но стакатнэнь сон изнясь. 1936 иестэ Ксения эсинзэ ялганзо Маруся Зотова марто кармасть улем трактористкак. Се шкастонть сазь сон работась ве тракторсо Маруся Горбунова марто, Ирина Лазаревань тейтерь-авань тракторной бригадасо, кона ульнесь Мордовиясо тейтерь-авань тракторной васенце бригадакс.

Весе виензэ Ксения путсь селень, кода бу седе ламо ды седе вадрясто сокамс мода. Ксениянь ульнесь апокш теоретической анокчизэ ды роботамонь практической опытэзэ, но апок вант те лангс, сон эзэ каднэво работасо эсь ялганзо эйстэ ды 40 № „СТЗ“ тракторосэ сокасэ 1200 гектарт. Истямо прекрасной роботань кис Ксения получась казне 500 целковойтэ ВЛКСМ-нь ЦК-нтэ пельде.

Валгаева ялгадонть славась тусь весе Мордовиянтэ келес. Те иес

Сон карми кочкамо васенцеде

Кочкуровань район. „Якстере зоря“ колхозсонть ули МТФ, косо дояркакс колмоце ие роботы Ксения Федоровна Бушаева ялгась. Сон ловови сех вадря дояркакс.

Бушаева ялгантэнь тедиде топодсть 18 иеть. Сон карми кочкамо СССР-нь Верховной Советс истя жо, кода СССР-нь весе граждантицяк. Сон паро мельсэ ды кенярдозь учи декабрьн 12-це чинть, зярдо эсь вайгелензэ макссы Советской патриотнэнь Ленинэнь—

Сталинэнь питомецтнэнь кис.

Бушаева ялгась прядсь ансяк начальной школа, сон пек бажи тонавтнемантэнь. Получи газетат ды журналт, конатнэсэ сон эсинзэ ялганзо дояркатнэнь туртов ловно-кшны Верховной Советс кочкамотнеде. Толкови избирательной законотъ, евтни Верховной Советс депутаткс выдвинутой кандидатнеде. Бушаева ялгась тедиде совась комсомолс.

Я. Зубарев.

Комсомолецтнэ анокстыть кочкамотненень

Похвистневской райононь велень хозяйствань школань комсомолецтнэ парсте анокстыть СССР-нь Верховной Советс кочкамотненень. Роботыть II кружокт, косо тонавнтить Сталинской Конституциянтэ ды кочкамотнеде Положениянтэ.

Школань комсомолецтнэ активностэ лездить поселковой советэнтэнь. Ноябрьн 20-це чистэ 20 комсомолецт сермалестэ избирательтнэнь. Старшей курсонь комсомолецтнэ дежурить избирательной участкосо, толковить а чаркодевикс вопроснтнэнь. Зярыя комсомолецт декабрьн 12-це чинть самс тонавтыть неграмотной избирательтнэнь.

Юртаев

Куйбышевской области.

Комсомольской организациясь ашти ве ено

Кочкуровань район. Сабеева велень Куйбышев лемсэ колхозонь комсомольской организациясь (комсоргосэ Дадаев, пропагандистэсэ Самсонов), кодамоак культурно-воспитательной работа а ветить комсомолецтнэнь ды аволь союзной од ломантнэнь ютксо.

Комсомолецтнэ ды аволь союзной од ломантне а содасызь избирательной законотъ ды Сталинской Конституциянтэ. Комсомольской организациясь ве ено ашти Верховной Советс кочкамотненень анокстамонь коряс работанть эйстэ.

Эйкакштнэнь творчествосэ

Покш Березникень райцентрасонть ноябрьн 14-це чистэ ютавозь эйкакштнэнь районной художественной III-це олимпиада, косо примасть участия 2 средней ды 8 аволь полной средней школат, олимпиадасонть ульнестэ ламо колхозникт ды колхозницят.

Васенцеке кулсонозель Судосева велень средней школань хоровай кружоконть выступлениязо, кона покш успехсэ морынзэ неень шкань моротнэнь трудиянтнэнь вождтэнтэ —ине Сталиндэ. Покш

Березникень средней школань тонавнтицясэ Разумов вастозь виев цяпамосэ, сон ловнось сонсензэ стихотворениянзо „О родине“.

Седе мейле ульнестэ спортивной, физкультурной ды декламатортнэнь выступленият. Покш мельс паросо кулсонызь ды ваннызь колхозниктне ды колхозницятне эйкакштнэнь творчествосэ.

Васень премиянтэ ды васень тарканть саизе Покш Березникень средней школань хоровай кружокосэ.

Каукин.

тэнтэ Ксения Даниловна кармасть улем Болдасевской МТС-нь тейтерь-авань тракторной бригадань стахановкакс бригадирэкс, косо сон эсь прязно невтизе отличной бригадирэкс, энергичнойкс, родинантэнь преданной ломанькс, чуткой ялгакс. Сонзэ отрядонь эрва тракторосэ сокасэ 900 гектарт, сестэ кода Болдасевской МТС-нь трактористнэ цератне эсть сока 700 гектардо ламо. Тейтерь-авань тракторной бригадасо роботазь, Ксения ветясь культурно-просветительной работа. Эсинзэ отрядонь трактористкатнэнен ловнось газетат, евтнэсэ масторсонть важной событиятнеде, лездась тенст чаркодемс международной политической обстановкадонть.

Ксения Даниловна Валгаева Болдасевской МТС-сэ трактористкакс омбоце пель иень перть работамсто, заработанной ярмактне лангс рамась кавто пальтот, кавто шерстяной костюмт, кизэнь пальто, вадря плаш ды ламо лия одижат. Аволь умок сон получасть телень 4-це пальто Московонь „Посылгосторгсто“, вадря меховой воротник марто, конань питнезэ 360 целковойтэ. Ней Ксения арси рамамс велосипед, паро ручной част ды Ленинэнь сочинениянзо полной собрания.

Октябрьн ровесницянть, Болдасевской МТС-нь тейтерь-авань тракторной бригадань бригадирэнтэ, знатной стахановканть, комсомолканть, Мордовиянтэнь весеменень

созаэнтэ Ксения Даниловна Валгаевань Ичалковской, Ардатовской ды лия районнтнэнь трактористнэнь, комбайнертнэнь ды колхозниктнэнь ламо тышань промкстнэсэ выдвинули СССР-нь Верховной Советэнь Союзонь Советс депутатс кандидатокс.

Союзонь Советс кочкамотнэнь коряс Ардатовской избирательной округонь избирательной комиссиянтэнь эсинзэ ответной сермасонзо сермадсь, што сон гордится эсь родинасонзо, конаньсэ весе трудиянтнэнь улит праваст труд, оймсема ды образования лангс, конань эжди отечественной заботасо народтнэнь вождесэ Иосиф Виссарионович Сталин. Сон псисэ благодарит Ардатовской избирательной округонь кочкицянтнэнь покш довериянтэ кис ды макссь согласия баллотироваться те округканть. Эсь избирателензэ туртов макссь вал, што сон честь марто оправдаст сынт доверияст.

Арась кодаткак сомненият, што минек советской од ломантнэнь сех вадря представительницась, комсомолкась Ксения Даниловна Валгаева оправдаст избирательтнэнь доверияст. Мордовиянтэ од ломантне СССР-нь Верховной Советэнь кочкамо чистэнтэ, декабрьн 12-це чистэ, макссыз эсь вайгелест минек социалистической ине родинань преданной патриотканть Ксения Даниловна Валгаева ялганть кис.

Г. БОЯРКИН. АРМИЯВ ТУЕМСТЭ

Течи Петя сыргась
Армияв туеме.
Ялганзо-оянзо
Састь сонзэ ильтеме.

Зэркстась гармониясь,
Чолякадсть ладатне.
Велесь теке ракась;
Морасть од тейтертне.

Петя лац роботась,
Ульнесь бригадирэкс.
Сон нейгак алтызе
Пряизо командирэкс.

Кадык врагось чови
Верев пеелензэ.
Комсомолонь седей
А печкеви тензэ.

* *

Трактористка Катя
Моронть кепедсь верев,
Гайги вайгелезэ
Кайсевсь паксая, виров.

Мазый, мазый Катя,
Прок инзейть турванзо,
Варма мельга лыйнесть,
Сорновтневсть кудрянзо
Прок пиже фатасоль,
Пижелдсь озим паксаясь.
Петя седейшкава
Весе марто проштась.

Простась Катя марто
Лембстэ кутмордызе.
Эсь потмо валонзо
Сонензэ евтызе:

„Катя, Катерина,
Мазый умарина,
Пек паро мелезэнь—
Армияв туян.

Учомак, учомак
Сырнень паро цеця:
Зярдо службам прядса—
Тонь таго васстан“.

Шемышейский район,
Куйбышевской область,

Уцяскав ды келей монь мастором

Уцяскав ды келей монь
мастором,
Зэрнесь лаки машинань виесь.
Эх, кодамо пек паро эрямом!
Прок сиясо валозь менелесь.

Весе минь мольдяно Сталин
мельга,
Сон минек келей кинть
валдомты.
Прок садовник умарькс чувтнэнь
перька,
Минек кисэ Сталин заботи,

Эрятано теке цеця пошо,
Сексак ней мелезэньк паро.
Ансяк минек уцяскав масторсо
Истят мазыйть гайгевтить морот.

Минек садсонть цековт гайгезь
гайгить.
Цецятнестэ мекштне сайт сок.
Бути минек садс карьцягант
валгить—
Улить тапазь ды мерьказь
допрок,
А. Я. ПАНЬКИН,
Дубенки, средней школа.

ИСПАНИЯСО ФРОНТНЭВА

Восточной (Арагонской) фронто.
Оборонань испанской министерствань сообщениянзо коряс, республиканской войскадне Верхней Арагония секторсонть тейсть атака мятежничтнень позицияст лангс ды нельгсть военной ламо материалт. Секе жо секторсонть республиканецтнэ тейсть эшо вейке атака,

конась теевсь пек виев сражениякс. Мятежничтнень эндо теевсть ламо емавкст. Мятежничтнень 18 солдатт ютасть республиканецтнэнь.

Южной фронто Мульхаэс районсонть республиканской войскадне нельгсть мятежничтнень военной материалт.

КИТАЙСЭ ВОЕННОЙ ДЕЙСТВИЯТНЕ

Вадря погоданть, уставамонзо марто Шанхайской весе фронтсонть—Цзянинь ошонть эйстэ сазэ (Янцзы леенть чиресэ) Ханчжоу залиVENTь видсь ноябryanь 27-це чистэ таго ушодовсть пек виев бойть.

Цзянинень маласо пурнавсть японской ниленьгеменде ламо военной кораблят. Уш омбоце чи те районсонть моли артиллерийской покш бой. Китайской артиллериясь а нолды Янцзы леенть эзга верев Нанкинэнь енов японской кораблятнень эцманть.

Шанхай — Нанкинской кшнинь кинть кувалт китайской войскадне, контрнаступления ютазь, ней аштить Уси станциянь эйстэ восток ено 20 километрань таркасо.

Нанкинэнь эйстэ юго-восток ено ульцян виев бойть молить Сучжоу ошонть.

Аволь седе лавшо вий марто

молить бойть Северной Китаень фронтнэсэ. Китайской отряднэ действуют Шаньси ды Хэбэй провинциятнень ламо районтнэсэ, седейстэ японской частнень тылсэ. Ноябрьнь 22-це чистэ партизанской отряднэ каявсть Шаньси провинциянь Госяна ошонь окрестностьсэ продовольствия ды вооружения марто японской обозонть лангс. Весе обозось тапазь. Столкновениянь пингстэ маштозь японской малав 50 солдатт. Секе жо провинциясонть китайской войскадне японецтнэнь кедьстэ нельгизь Юаньпин ошонть.

Китайской оштнэнь саемстэ японской войскадне казямосто расправляются эрициятнень марто. Ансяк Машань ды Цзянинь оштнэсэ (Шаньси ды Хэбэй провинциятнень границастлангсот) японской войскадне машнесть 130) мирной эрият.

(ТАСС)

Арась оборонной робота

Покш Маризь велень средней школань комсомольской организациясь овси стувтызе оборонной роботанть ды сонзэ значениянзо. Сень лангс апак вано, што ламо комсомолецт ды аволь союзной од ломанть бажить тонавтнемс винтовканть, противогазонть, максомс норматнень „Ворошиловской стрелок“ значоконть лангс, но ОСО-нь

организациянь председателесь Нуштаев игнорирови оборонной роботанть, те покш ответственной теветь лангс ваны суронь пачк, комсомольской организациясь жо а снартни кодамояк мерань примамо, штобу виензамс оборонной роботанть.

Атяшкин.

Чамзинкань р-н.


Сулейман Стальскоень калмамозо

Ноябryanь 26-це чистэ Махач-Каласо калмазэ Дагестанской народной поэтэсь Сулейман Стальский. Ламо тыщат трудицят проштась эсист вечкевикс поэтанть марто.

Калмонть вельксэ кортась поэтанть вишкине церазо Мусаиб, сон ловнось тетянстэнь посвященной эсинзэ стих.

Сулейман Стальскоень семиянтень максозь пенсия

Дагестанской АССР-нь ЦИК-нь Президиумось назначась Сулейман Стальскоень семиянтень персональной пенсия—эрьва ковнэ 500 целковойть. Кудось, кона Ашага—Сталь аулсонть строязель Сулейман Стальскойнень, кемекстась сонзэ семиянтень. Поэтанть семиянтень истяжо максозь единовременной пособия 5 тыщат целковойть. Покойной поэтанть-орденоносецанть калмамотне примазэ государстванть счетс.



Сулейман Стальский.

Кие те „сон“

Дубенкань комсомолонь райкомсто ды васняк сонзэ секретаренть Шишкин ялганть кедьстэ эрьва кевкстимстэ получают ответ: „сон сы ды макстано“.

Катаев, Малыйкин, Чаткин одс примазэ комсомолс ялганть а весть кевкстнэ Шишкин ялганть, зярдо максыть комсомольской билетт, но Шишкин яла отведи „Вана сон сы ды макстано“.

Кие жо „сон“, кие те сыцясь? Комсомолонь райкомонь делопроизводителесь, кона пек чуросто эрси райкомсонть. Зярдо Шишкин ялгась сонсь а моли райкомов, сестэ делопроизводителесь отведи „сы ды макстано“. То делопроизводителенть, то сонсензэ секретаренть савкшны яла учнемс ды кодак а учовить.

А. Тюкин.

Политтонавтнемань кружоктнэ а роботыть

Дубенкань р-н. Дубенка велень средней школань тонавтнициятнень ютксо пек беряньстэ аравтозэ политтонавтнемась. Организовать политграмотань ды ВКП(б)-нь историйанть тонавтнеманзо кружоктнэ мезеяк а роботыть, секс што арасть пропагандист. Комсомолонь комитетэнь секретаресь Якунцов а вестэ аравтнесь райкомонть ике-лев вопрос, штобу кучовольть пропагандист, но кодаткак мерат апак прима.

Сави тешкстамс, што ВЛКСМ-нь райкомось (секретаресь Шишкин) сезевсь комсомольской организациятнестэ, знярдож а васолить, а ваннокшныть, кода организовазь политтонавтнемась комсомольской организациятнева.

А. Т.

Минек материалонек коряс

„КЛАССОВОЙ ВРАГТНЭНЬ НУЛГОДЬКСЭВ ТЕВ“

Ромодановань районсто минек велькоронек сермалесь, што „Комсомольская правда“ колхозонь паро сторожонть Егоров Иван Иванович ялганть пултызь кудонзо врагтнэ, сестэ кода сонсь Иван Иванович

ульнесь пост лангсо.

Не читнестэ жо, Ромодановань райЗО-сь пачтась тенек куля, што Егоров ялганть максозь лезкс 1000 целковойть ярмаксо ды лесоматериал кудонь путомс.

„ШКОЛАСОНТЬ ПОДОЗРИТЕЛЬНОЙ ЛОМАНТЬ“

Те заметканть минь получакшнынек Дубенкань районсто. Сермадозель Дубенкань средней школань директоронть—Учаевень подозрительной теждензэ.

Дубенкань ВКП(б)-нь райкомось почтась тенек куля, што Учаев работасто панезь, истя жо панезь сонзэ приспешникензэяк Петров, Апраксин ды Ястребов.

„Арасть общежитият“

Истямо материал получакшнынек Чамзинкань районсто, Мокшолей велестэ. Велькорось сермадсь, што лия велень тонавтнициятнень вавос савкшны якамс мекев-васов, секс што арасть общежитият.

Заметканть кучокшнынек Чамзинкань РОНО-с, тосто тенек пач-

тясть куля, што фактнэ видеть. Лия велень кой-кона тонавтнициятнэ размещеннойть квартирава. РИК-ень президиумонть икелев путозь вопрос, штобу сон нолдавль средстват 1938 иестэ общежитиянь строямс.

Ответ. редакторось И. ТЮРЬКИН.